

長樂郡  
振鐸西  
諸子


上書粘壁





唐史紀太宗謂裴寂曰。比多上書言事者。朕皆黏之屋壁。得出入省覽。數思治道。或深夜方寢。公輩亦當恪勤職業。副朕此意。

**解**唐史上記太宗一日向司空裴寂說道。近日以來。上書奏事者。條件甚多。朕將各衙門條陳的章奏。取其言之當理者。都黏在牆壁上。庶一出入。常接於目。便於朝夕省覽。每思天下至大。治之甚難。如何纔有利於民。如何纔不病於國。思想起來。至不能寐。或到夜深時分。纔去安




歌。此朕一念不敢怠荒之心也。公等為國大臣。  
分理庶政。亦當夙夜罔懈。恪供職事。以副朕倦。  
倦圖治之意可也。昔孔子說為君難。為臣不易。  
古語說。兢兢業業。夫以天下之廣。兆民之。  
眾。若非為君者憂勤惕厲。主治於上。為臣者竭。  
忠盡力。分治於下。欲求治平。豈可得哉。觀唐太。  
宗告裴寂之言。即虞庭君臣交相儆戒之意也。  
其致貞觀太平之盛也。宜哉。





唐史紀太宗即位。張蘊古上大寶箴。其略曰。今來古往。俯察仰觀。惟辟作福。為君實難。聖人受命。拯溺亨屯。歸罪于已。因心于民。大明無私照。至公無私親。故以一人治天下。不以天下奉一人。勿謂無知。居高聽卑。勿謂何害。積小就大。樂不可極。樂極生哀。欲不可縱。縱欲成災。壯九重於內。所居不過容膝。彼昏不知。瑤其臺而瓊其室。羅八珍於前。所食不過適口。惟狂罔念。丘其糟而池其酒。勿內荒於色。勿外荒於禽。勿貴難得貨。勿聽亡國音。勿謂




我尊而傲賢慢士。勿謂我智而拒諫。矜已安彼反側。如春陽秋露。巍巍蕩蕩。恢漢高大度。撫茲庶事。如履薄臨深。戰戰慄慄。用周文小心。詩云。不識不知。書云。無偏無黨。衆棄而後加刑。衆悅而後行賞。勿渾渾而濁。勿皎皎而清。勿汶汶而闇。勿察察而明。雖冕旒蔽目。而視於無形。雖黈纁塞耳。而聽於無聲。上嘉之。賜以束帛。除大理丞。

**解**唐史上記太宗初登極時。有一書記官張蘊古。上大寶箴一篇。大寶是人君所居的寶位。箴

是儆戒之辭。人臣不敢直說是箴規天子。故以大寶名箴。這箴中的言語。字字真切。句句有味。從之則為堯舜。反之則為桀紂。人君尊臨大寶。須把這段說話。常常在目。做个箴規。方可以長保此位。所以名大寶箴。太宗深以蘊古之言為善。賜他束帛。陞他做大理寺丞。觀太宗納善之速如此。其所以為唐之令主。而成貞觀之治者。盖得于是箴為多。





唐史紀太宗時嘗有白鵲構巢於寢殿之上。合歡如腰鼓。左右稱賀。上曰。我常笑隋帝好祥瑞。瑞在得賢。此何足賀。命毀其巢。縱鵲於野外。

解唐史上記太宗時嘗有白鵲結窩巢於寢殿之上。其巢兩箇合而為一。有合歡之形。又兩頭大。中腰小。恰似那樂器中腰鼓的模樣。左右侍臣都說道。凡物相並。則不能相容。今兩鵲為巢合而為一。形狀殊常。實為希有。此蓋天地和氣所鍾。主上聖德所感。理當稱賀。太宗說不然。昔







隋帝不好賢人而好祥瑞。至于亡國。我嘗笑他。以我看來。只是得賢臣。理政事。安百姓。使天下太平。這纔是真正的祥瑞。至于珍禽奇獸。不過一物之異耳。何足為瑞。而稱賀哉。遂令人毀其窩巢。而縱放白鵲於野外。夫天地之間。草木鳥獸。形質間有殊異者。皆氣化偶然。不足為奇。人主不察。遂以為瑞。於是小人乘機獻諂。取悅於上。至有以孔雀為鸞鳳。而誣上行私者矣。人主好尚。可不謹哉。太宗縱鵲毀巢。誠為超世之見。

而瑞在得賢。尤萬世人君之龜鑑也。

致賢懷鵠



百七





唐史紀太宗嘗得佳鷄。自解之。望見魏徵來。匿懷中。徵奏事故久不已。鷄竟死懷中。

**解**唐史上記太宗一日得箇極好的鷄子。心上喜愛。親自在臂膊上架着。魏徵平日好直言極諫。太宗嘗敬憚他。當架着鷄子的時節。恰好魏徵走來奏事。太宗恐怕他看見。將鷄子藏在自懷裏。魏徵曉得太宗懷着鷄子。故意只管奏事不止。那鷄子藏的時候久了。畢竟死于懷中。夫太宗尊為天子。偶有解鷄之失。見了正直的




臣便慙沮掩蔽如害怕的一般。蓋他本是箇英明之主。自知所為的非禮。故深以為歉。寧壞了所愛的物而不恤也。僻鷄是他差處。匿於懷中。是他明處。






唐史紀太宗覽明堂鍼灸圖人五臟之系咸附于背。詔自今毋得笞囚背。

**解**唐史上記太宗一日看明堂鍼灸書。這書是醫家鍼灸治病的方法。內有箇圖形說人腹中心。肝。脾。肺。腎。五臟的系絡。皆附貼于脊背。太宗觀覽此圖。因想起來。打人脊背。則五臟震動。或致傷命。遂下詔。令天下問刑衙門。自今以後。不許笞杖罪囚的脊背。蓋五刑各有差等。而笞罪為輕。彼罪當處死者。固自有應得之條矣。而於



罪輕者。復笞其背。使或至於死。誠為不可。太宗  
天資仁恕。耳目所接。無一念不在生民。故一覽  
醫方。而不忍之心。遂萌。此詔一出。民之免斃於  
杖下者。不知其幾矣。傳稱太宗以寬仁治天下  
而於刑法尤謹。信哉。


主明臣直





唐史紀太宗嘗罷朝怒曰會須殺此田舍翁后問  
為誰上曰魏徵每廷辱我后退具朝服曰妾聞主  
明臣直今魏徵直由陛下之明故也妾敢不賀上  
乃悅

解唐史上記太宗曾一日朝罷還宮忽發怒說  
少間定要殺了這箇田舍翁田舍翁即俗語說  
庄家老時長孫皇后問說陛下要殺誰太宗說  
是魏徵此人不知忌諱每每當着衆臣僚攻我  
的過失羞辱我我十分忍受不得所以要殺他






長孫皇后有賢德。知道魏徵是箇忠臣。乃退去穿了朝賀的袍服。來對太宗說。妾聞古人云。上有明哲之君。則下有鯁直之臣。今魏徵之直言不阿。由陛下之聖明。能優容之故也。君明臣直。乃千載奇逢。國家盛事。妾敢不稱賀。太宗聞皇后之言。其心乃悅。嘗考自古創業守成之令主。雖聖明天挺。然亦有內助焉。觀長孫皇后之於唐太宗。雖夏之塗山。周之太姒。無以過之矣。太宗外有忠臣。內有賢后。天下安得不太平。





唐史紀太宗親錄繫囚。見應死者。憫之。縱使歸家。期以來秋來就死。仍勅天下死囚皆縱遣。至期來詣京師。至是九月。去歲所縱天下死囚。凡三百九十人。無人督帥。皆如期自詣朝堂。無一人亡匿者。上皆赦之。

**解**唐史上記太宗嘗親自審錄罪囚。見那該死的囚犯。心裏憐憫。不忍殺他。都放他回家。看父母妻子。限到明年秋間。着他自來就死。因此又勅令法司。將天下死囚。也都暫放還家。亦限至



明年秋裡自來赴京。及至次年秋間。前時所放的罪囚。共三百九十人。都感太宗不殺之恩。不要人催督。帥領箇箇都照依期限。齊到朝堂聽候處決。沒一箇逃亡隱匿下的。太宗見這些囚犯依期就死。終不忍殺。盡皆赦之。夫死者人之所甚懼。而犯死之人。必天下之惡人也。人君一施恩德。遂能感激至此。使其死且不避。則人之易感者可知。而凡可報君之德者。必無所不用其情矣。然則人君之治天下。其必以恩德為務哉。

望陵觀





唐史紀太宗葬文德皇后於昭陵。上念后不已。乃於苑中作層觀以望昭陵。嘗引魏徵同登。使視之。徵熟視之。曰。臣昏眊不能見。上指示之。徵曰。臣以為陛下望獻陵。若昭陵。則臣固見之矣。上泣為之毀觀。

解唐史上記太宗貞觀十年。皇后長孫氏崩。謚為文德皇后。葬於昭陵。太宗因后有賢德。思念不已。乃於禁苑中起一極高的臺觀。時常登之。以望昭陵。用釋其思念之意。一日引宰相魏徵




同登這層觀。使他觀看昭陵。魏徵思太宗此舉  
欠當。他的父皇高祖。葬於獻陵。未聞哀慕。今乃  
思念皇后不已。至於作臺觀以望之。是厚於后  
而薄於父也。欲進規諫。不就明言。先故意仔細  
觀看良久。對說。臣年老眼目昏花。看不見。太  
宗因指昭陵所在。教魏徵看。魏徵乃對說。臣只  
道陛下思慕太上皇。故作為此觀以望獻陵。若  
是皇后的昭陵。臣早已看見了。太宗一聞。魏徵  
說起父皇。心裏感動。不覺泣下。自知舉動差錯。  
遂命拆毀此觀。不復登焉。太宗本是英明之君。  
事高祖素盡孝道。偶有此事之失。賴有直臣  
魏徵。能婉曲以進善言。太宗即時感悟。改過不  
吝。真盛德事也。



撤殿營居

唐太宗



唐史紀太宗以魏徵宅無堂命輟小殿之材以構之五日而成仍賜以素屏褥几杖等以遂其所尚徵上表謝上手詔曰處卿至此蓋為黎元與國家何事過謝


**解**唐史上記太宗時的大臣只有箇魏徵能盡忠直諫太宗也極敬重他一日聞魏徵所住的私宅止有旁室沒有廳堂那時正要蓋一所小殿材料已具遂命撤去與魏徵起蓋廳堂只五日就完成了又以徵性好儉朴復賜以素屏褥





几杖等物以遂所好尚。徵上表稱謝。太宗手詔答曰。朕待卿至此。蓋為社稷與百姓計。何過謝焉。夫以君之於臣。有能聽其言。行其道。而不能致敬盡禮者。則失之薄。亦有待之厚。禮之隆。而不能諫行言聽者。則失之虛。又有賞賜及于匪人。而無益于黎元國家者。則失之濫。而人不以為重矣。今觀太宗之所以待魏徵者。可謂情與文之兼至。固宜徵之盡忠圖報。而史書之以為美談也。

面斥佞臣



唐史紀太宗嘗止樹下愛之。宇文士及從而譽之不已。太宗正色曰。魏徵嘗勸我遠佞人。我不知佞人。是誰。意疑是汝。今果不謬。士及叩頭謝。


**解**唐史上記太宗一日退朝之暇。曾閒行到一樹下。見其枝葉茂盛。心頗愛之。是時宇文士及在傍。要阿奉太宗的意思。就將那株樹稱譽不止。太宗覺得士及是箇佞人。心裏厭他。因正色而斥之。說道。往日魏徵嘗勸我斥遠佞人。我不知今朝中那一箇是佞人。但心裏也疑是





你自今觀之。一樹之微。何足稱譽。其曲意承順。如此。所謂佞人。非汝而誰。平日所疑。果不謬也。士及惶恐叩頭謝罪。嘗觀孔子有言曰。惡利口之覆邦家。又曰。遠佞人。蓋佞之人。專一窺伺人主的意思。巧於奉承。哄得人主心裏喜悅。就顛倒是非。變亂黑白。賊害忠良。報復讐怨。如費無忌。汪充之倫。把人家君臣父子都離間了。終至於骨肉相殘。國家傾敗而後已。是以聖人深以為戒。如飲鴆毒。如避蛇蝎。不敢近他。如唐太宗之面斥宇文士及。可謂正矣。然終不能屏而遠之。則亦豈得為剛明之主哉。然佞人亦難識。但看他平日肯直言忠諫的。就是正人。好阿意奉承的。就是佞人。以此辨之。自不差矣。

剪髮和藥





唐史紀太宗時李世勣常得暴疾。方云鬚灰可療。上剪鬚為之和藥。世勣頓首出血泣謝。上曰。朕為社稷。非為卿也。何謝之有。

**解**唐史上記太宗時有功臣李世勣得箇暴病。醫方上說用人鬚燒灰可治此病。太宗只要世勣的病好。遂將自己的鬚剪與他合藥。世勣病愈。感帝之恩。叩頭出血。涕泣而謝。太宗說。朕賴卿以安社稷。卿安則社稷安矣。朕剪鬚以治卿病。乃是為社稷計。不為卿一人之私也。何謝之



有。孟子曰。君之視臣如手足。則臣視君如腹心。  
太宗憂世勩之病。至親剪其鬚以療之。誠不啻  
若手足之愛矣。為之臣者。安得不竭忠盡力。奮  
死以圖報哉。



帝鑑圖說

